



„ჩინგური საქაბთუღლა, სიმუბი ჩუენ ვაბთ ყულაბ“

საკრებულო

გამოდის 1923 წლის 1 მაისიდან

სენაკის მუნიციპალიტეტის თავისუფალი გაზაფხულის

2023 წელი • №21-22 (9563-64) • 1-30 ნომერი • ფასი 1 ლარი და 40 თეთრი

„ემბრისობა - 2023“

კვირის გზა -
 კვლავ უნდა დავიწყებოთ
 დროში აქ ყველა ჩვენი
 უბნისა ჩვენი ბინისა
 და კვლავ დავიწყებოთ
 ვაჭრობისა იყო აქ დღი
 ვინა
 სკვინოლი
 აქვანი ხელის
 ხელის



ღირსი იმედი სიყვარულს
 მოვიშველიებ, საბჭოთაობა ვიყენებ
 და საქართველო ვნახებ მე
 ნიხვერის ვაშლი ნიხვერის
 და ეს ახლანდელი ენაა ჩვენი
 და სიამაღლე. სურათი მოვიყენებ
 ბარბი და სიამაღლე მხარე.
 ვინა შემოქმედები
 თეატრის უბნის კვლავ
 12.11.2023

სახეობები
 ხელი

სამეცხელო გეგმის განხორციელებას
 იმედი, რომ დღი ხელი
 მიქანი ძეგლი, ასევე
 სიღვიძი სამეცხელოდან
 სენაკიდან.
 სამეცხელო თქვენი მხარე!
 მიქანი ხელი.
 12.11.2023.
 დავ ღვინო.
 სიყვარული!

მუნიციპალიტეტის საკრებულოში

2023 წლის 3 ნოემბერს, გაიმართა სენაკის მუნიციპალიტეტის საკრებულოს საფინანსო-საბიუჯეტო კომისიის სხდომა. დღის წესრიგის მიხედვით გათვალისწინებული იყო ერთი საკითხის განხილვა. სენაკის მუნიციპალიტეტის 2023 წლის მესამე კვარტლის ბიუჯეტის შესრულების ანგარიშის მოსმენისა და შეფასების თაობაზე.

მომხსენებელი სენაკის მუნიციპალიტეტის საკრებულოს საფინანსო-საბიუჯეტო კომისიის თავმჯდომარე, ბადრი კალანდარიშვილი, თანამომხსენებელი სენაკის მუნიციპალიტეტის მერიის საფინანსო-საბიუჯეტო სამსახურის უფროსი, დონარა

ალანია. საფინანსო-საბიუჯეტო კომისიაზე, დამსწრე წევრთა უმრავლესობის გადაწყვეტილებით, სენაკის მუნიციპალიტეტის 2023 წლის მესამე კვარტლის ბიუჯეტის შესრულება დადებითად შეფასდა.

სენაკის მუნიციპალიტეტის საკრებულოს თავმჯდომარე, საკრებულოს გენდერული თანასწორობის საბჭოს თავმჯდომარე საბა ოდიშარია, საბჭოს თავმჯდომარის მოადგილე ინგა ქარდავა და საბჭოს მდივანი მანანა გვიჩია გენდერული თანასწორობის საბჭოს წევრებს, მუნიციპალიტეტის თემების რწმუნებულებსა და სენაკის მუ-



ნიციპალიტეტში მცხოვრებ მენარმე ქალბატონებს შეხვდნენ და მათ საკრებულოს გენდერული თანასწორობის საბჭოს მიერ გამოცხადებული საგრანტო კონკურსის „ქალთა ეკონომიკური გაძლიერების ხელშეწყობა“ შესახებ დეტალური ინფორმაცია მიანოდეს.

საგრანტო კონკურსი, ქალთა ეკონომიკური გაძლიერების ხელშეწყობის მიზნით ტარდება. მასში მონაწილეობის მიღება შეუძლია სენაკის მუნიციპალიტეტში მცხოვრებ და რეგისტრირებულ ქალბატონებს. კონკურსის ბიუჯეტი შეადგენდა 10000 ლარს და კონკურსისთვის გამოყოფილი თანხა 2 გამარჯვებულზე იყო განკუთვნილი. განაცხადების მიღება მიმდინარეობდა 19 ნოემბრის ჩათვლით. გამარჯვებულები

გამოვლინდებიან 1 დეკემბერს და მათთან ხელშეკრულება გაფორმდება 4 დეკემბერს. დაინტერესებულ აპლიკანტებს, შევსებული წინასწარი განაცხადის ფორმა უნდა გამოეგზავნათ საკრებულოს ელექტრონული ფოსტის მისამართზე: sakrebulo.senaki@gmail.com და თემის ველში მიუთითონ: საგრანტო კონკურსი „ქალთა ეკონომიკური გაძლიერების ხელშეწყობა“. კონკურსის შესახებ დეტალური ინფორმაცია განთავსებული იყო, როგორც საკრებულოს ფეისბუქ გვერდზე, ასევე საკრებულოს ოფიციალურ ვებ-გვერდზე: senaki-sakrebulo.gov.ge

ალექსი დეშური,
 საკრებულოს აპარატის უფროსი
 სპეციალისტი საინფორმაციო საკითხებში



მასშტაბური ინფრასტრუქტურული პროექტი

საგზაო ინფრასტრუქტურის მოწყობა-რეაბილიტაციის ფარგლებში, ნოქალაქევი-ლეძაძამე-დიდიჭყონის შიდასახელმწიფოებრივი მნიშვნელობის გზის მე-2; მე-11 და მე-17 კილომეტრებზე, დაზიანებული მონაკვეთების მასშტაბური აღდგენითი სამუშაოები მიმდინარეობს.



სახურის წარმომადგენლებთან ერთად, აღნიშნულ ლოკაციაზე იმყოფებოდა და სამუშაოების მიმდინარეობას ადგილზე გაეცნო. საქართველოს საავტომობილო გზების დეპარტამენტის მიერ დაფინანსებულ მასშტაბურ პროექტს, ღირებულებით - 4 262 969,97 ლარი, შპს „ბესკო“ ახორციელებს.

სენაკის მუნიციპალიტეტის მერი, ვახტანგ გადელია, პირ-

შეხვედრაზე ისაუბრეს

სენაკის მუნიციპალიტეტის მერის მოადგილე, ნანა ზარანდია, მუნიციპალიტეტსა და შპს „დინამო თბილისის საფეხბურთო სკოლას“ შორის გაფორმებული ურთიერთთანამშრომლობის მემორანდუმის ფარგლებში, პროექტის რეგიონული კოორდინატორს, თენგიზ კაციას და პროექტის მენეჯერს გია ისიანს, სენაკის მუნიციპალიტეტის საკრებულოს თავმჯდომარის პირველ მოადგილესთან, ლევან უჩანეიშვილთან, თავმჯდომარის მოადგილესთან, ზაზა ნაჭყებიასთან, ადგილობრივი თვითმმართველობის წარმომადგენ-



ლებთან და მწვრთნელებთან ერთად, შეხვდა. შეხვედრაზე, სამომავლო თანამშრომლობის პერსპექტივებსა და დაგეგმილ პროექტებზე ისაუბრეს. პროექტის მხარდაჭერია ონლაინ მალაზია <https://isurve.ge/>, რომელმაც სპორტული ინვენტარი მუნიციპალიტეტს საჩუქრად გადასცა.

სრულად განახლდა

სენაკის მუნიციპალიტეტში ჯანსაღი ცხოვრების წესის დამკვიდრების, საზოგადოებაში, განსაკუთრებით კი, ახალგაზრდებში სპორტის პოპულარიზაციის და ამ კუთხით, ინფრასტრუქტურული პროექტების განხორციელების პროცესი აქტიურად მიმდინარეობს. მშვიდობის ქუჩაზე, ახალრეაბილიტირებული მეოთხე საბავშვო ბაღის მიმდებარე ლოკაციაზე ადგილობრივი ბიუჯეტის დაფინანსებით მინი სპორტული მოედანი მოეწყო. პროექტის ღირებულებამ 105 554 ლარი შეადგინა.



ინფრასტრუქტურის სამსახურის უფროსის მოვალეობის შემსრულებელთან, ეკატერინე კიზირიასთან ერთად, შესრულებულ სამუშაოებს ადგილზე გაეცნო. „ქალაქ სენაკში, სპორტული ინფრასტრუქტურის მოწყობა-რეაბილიტაციის ფარგლებში, 3 მინი სპორტული მოედანი მოვანყვეთ: ვაჩნაძის და მშვიდობის ქუჩებზე; ასევე ყოფილი მერვე სკოლის მიმდებარე. სპორტული სივრცეების შექმნა, სპორტული ინფრასტრუქტურის მოწყობა-რეაბილიტაცია და ახალგაზრდებისთვის ცხოვრების ჯანსაღი წესის ხელშეწყობა, ჩვენი სახელისუფლებო გუნდის ერთ-ერთი უმნიშვნელოვანესი პრიორიტეტია“ - აღნიშნა ვახტანგ გადელიამ.

აქტიურად ბრძოლა

სენაკის მუნიციპალიტეტში, ქალაქად და სოფლად, აქტიურად გრძელდება ინფრას-



ტრუქტურული პროექტების განხორციელების პროცესი. თეკლათის ადმინისტრაციული ერთეულის გოლასკურის უბანში დასრულებულია ხიდ-ბოგირის მოწყობის სამუშაოები. პროექტის ღირებულებამ, რომელიც ადგილობრივი ბიუჯეტით განხორციელდა, 74 495 ლარი შეადგინა.

შესრულებულ სამუშაოებს, სენაკის მუნიციპალიტეტის მერი, ვახტანგ გადელია, საკრებულოს თავმჯდომარე, საბა ოდიშარია, მერის პირველი მოადგილე, ბადრი ქუთელია და საკრებულოს თავმჯდომარის პირველი მოადგილე, ლევან უჩანეიშვილი ადგილზე გაეცნენ.

„მერი კოპინის“ პრემიერა


სენაკის აკაკი ხორავას სახელობის სახელმწიფო დრამატული თეატრის სცენაზე, ინგლისურენოვანი მიუზიკლის - „მერი პოპინის“ პრემიერა შედგა. ბრიტანულმა სკოლამ - დირექტორი: ფიქრია ჭყონია, სენაკის, აბაშის და მარტვილის მუნიციპალიტეტების სკოლების მოსწავლეები გააერთიანა. წარმატებულ სპექტაკლს უმასპინძლეს თბილისის მარჯანიშვილის სახელობის სახელმწიფო და ბათუმის მოზარდმაცურებელთა თეატრებმა. სპექტაკლის რეჟისურა ლაშა გოგნიაშვილს ეკუთვნის; მუსიკალური გაფორმება - ვახტანგ და ეკატერინე ერქომაიშვილებს; სპექტაკლის ქორეოგრაფია - რომან ჯაჯანიძეს. მთავარი როლის შემსრუ-



ლებელი - წარმატებული სენაკელი ახალგაზრდა, ნინო ძიგუაა. პრემიერას სენაკის მუნიციპალიტეტის მერი, ვახტანგ გადელია, საკრებულოს თავმჯდომარე, საბა ოდიშარია, მერის პირველი მოადგილე, ბადრი ქუთელია, მოადგილე, ნანა ზარანდია, საკრებულოს თავმჯდომარის პირველი მოადგილე, ლევან უჩანეიშვილი და თვითმმართველობის წარმომადგენლები ესწრებოდნენ.

შეხვედრა - „მერების შეთანხმების“ საშუალო ჯგუფთან

კოალიცია - ასოციაცია „დეა“ - თავმჯდომარე, თამარ მალანია, „EcoBill“ და „მდგრადი ურბანული ქალაქების განვითარების სააგენტო-ინტერაქცია“, ახორციელებენ პროექტს - „Exchange of Expirienc“, რომლის მიზანია აღმოსავლეთ პარტნიორობის ქვეყნების მერების ხელმძღვანელი მუნიციპალიტეტების გამოცდილების გაზიარება მდგრადი ენერჯეტიკისა და კლიმატის ცვლილების საკითხებში. პროექტის ფარგლებში, სენაკის მუნიციპალიტეტის მერის სხდომათა დარბაზში გაიმართა შეხვედრა - „მერების შეთანხმების“ საშუალო ჯგუფის წევრებთან, რომელსაც სენაკის მუნიციპალიტეტის მერი, ვახტანგ გადელია ხელმძღვანელობს. საშუალო ჯგუფის მდივანმა, დალი ქაჩიბაიამ, წარმოადგინა პრეზენტაცია - კლიმატის ცვლილების სადაპტაციო და სამიგრაციო ღონისძიებების ფარგლებში, მიმდინარე, განხორციელებული და დაგეგმილი აქტივობების შესახებ. შეხვედრაზე საუბარი შეეხო დანერგილი ენერგოე-



ფექტური ტექნოლოგიების აუცილებლობასა და მნიშვნელობას. შეხვედრის მონაწილეებმა ერთმანეთს საუკეთესო პრაქტიკის მაგალითები გაუზიარეს. ცნობისთვის: ჩვენი მუნიციპალიტეტი, მიმდინარე წლის თებერვლის თვეში შეუერთდა NeComEast იმ ათასობით ადგილობრივი თვითმმართველობების ნებაყოფლობით გაერთიანებას, რომლის მიზანია ევროკავშირის კლიმატის და ენერჯეტიკული პოლიტიკის ამოცანების განხორციელება. აღსანიშნავია, რომ ზუგდიდისა და ფოთის შემდეგ, სენაკი, სამეგრელოდან, მესამე მუნიციპალიტეტია, რომელიც ევროკავშირის ფართომასშტაბიან ინიციატივას შეუერთდა.

საგანმანათლებლო პროექტი - „საბავშვო არქეოლოგია“



სენაკის მუნიციპალიტეტის მერიის ორგანიზებითა და საგანმანათლებლო რესურსცენტრის ჩართულობით საგანმანათლებლო პროექტის - „საბავშვო არქეოლოგია“ ფარგლებში, პარმენ ზაქარაიას სახელობის ნოქალაქევის არქიტექტურულ-არქეოლოგიურ მუზეუმ-ნაკრძალში, მე-7 საჯარო სკოლის მოსწავლეებისთვის მორიგი პრაქტიკული სწავლე-

ბა-საუბრები გაიმართა. პროექტმა, რომელიც უკვე მე-12 წელია ხორციელდება, მიმდინარე წელსაც ქალაქის ყველა საჯარო და კერძო სკოლა მოიცვა. პროექტში, რომლის მიზანია, მოსწავლეები ჩვენი ქვეყნის უძველეს კულტურას აზიაროს, მიმდინარე წელს, 225 მოსწავლე იყო ჩართული და იგი 27 ოქტომბერს დასრულდა.

(გაგრძელება მეექვსე გვერდზე)

27 ოქტომბერი - მასწავლებლის ეროვნული დღე



ქართული პედაგოგიის ფუძემდებლის, საბავშვო მწერლისა და პუბლიცისტის იაკობ გოგებაშვილი დაბადების დღეს - 27 ოქტომბერს - თბილისის ზაქარია ფალიაშვილის სახელობის ოპერისა და ბალეტის პროფესიულ სახელმწიფო თეატრში გრანდიოზულად აღინიშნა მასწავლებლის ეროვნული დღე.

11 მასწავლებელი დაჯილდოვდა სამკერდე ნიშნითა და 10 ათასი ლარით.

რედაქცია საგანმანათლებლო სფეროს თვითუფლებო მუშაკს ულოცავს ამ ღირსსახსოვარ დღეს



დარეჯან ზარანდია, საგანმანათლებლო რესურსცენტრის ხელმძღვანელი

საქართველოს განათლებისა და მეცნიერების მინისტრის, გიორგი ამილახვარის ინიციატივით, პირველად საქართველოს უახლოეს ისტორიაში მასწავლებლის ეროვნული დღე დანესდა. რომელიც ყოველი წლის 27 ოქტომბერს აღინიშნება.

მინდა შემთხვევით ვისარგებლო და ჩვენი მუნიციპალიტეტის პედაგოგიურ საზოგადოებას, განსაკუთრებით ღვანლმოსილ და წარმატებულ მასწავლებლებს მივულოცო ეს ღირსშესანიშნავი დღე. მასწავლებლის პროფესია ყოველთვის იყო, არის და იქნება გამორჩეული, რადგან ისინი მომავალი თაობის აღმზრდელები არიან.

მამუკა კუჭავა, ხელოვნების წამყვანი მასწავლებელი

მასწავლებლის ეროვნული დღესთან დაკავშირებით 27 ოქტომბერს თბილისში ზაქარია ფალიაშვილის სახელობის ოპერისა და ბალეტის პროფესიულ სახელმწიფო თეატრში გაიმართა მასწავლებლთა ეროვნული პრემიით დაჯილდოების ცერემონია. მასწავლებლის ეროვნული პრემიაზე, სენაკის მუნიციპალიტეტიდან წარდგენილი გახლდათ: სსიპ გ. ადამიას სახელობის ქ.სენაკის №1 საჯარო სკოლის ქიმია-ბიოლოგიის მენტორი მასწავლებელი ელისო შურღია, მე და სსიპ ქ.სენაკის მე-3 საჯარო სკოლის ხელოვნების წამყვანი მასწავლებელი თინათინ ჭანტურია. ასევე დაჯილდოების ცერემონიალს ესწრებოდნენ მონვეული სტუმრები: სენაკის სა-

განმანათლებლო რესურსცენტრის ხელმძღვანელი დარეჯან ზარანდია, საჯარო სკოლის პედაგოგები: ნესტან გოგობია, რუსუდან ქვარცხავა, ნანა თავართქილაძე და ეკატერინე სიჭინავა. ღონისძიების ფარგლებში საქართველოს პრემიერ-მინისტრმა, ირაკლი ლარიბაშვილმა და განათლებისა და მეცნიერების მინისტრმა გიორგი ამილახვარმა დამსწრე საზოგადოებას, პედაგოგებს მისასალმებელი სიტყვით მიმართეს და მათ პროფესიული დღე მიულოცეს. აღნიშნული ყველაზე კარგი წამოწყება მასწავლებლის დასაფასებლად. ეს პროექტი გახდება პედაგოგებისთვის დიდი მოტივაცია.

ღვანულმოსილი პედაგოგები დაჯილდოვდნენ



ჩვეულებრივი თაობების აღმზრდელი, დამსახურებული პედაგოგისა და ეპოქალური პიროვნების, ტერენტი ყიფიანის გახსენებით დაიწყო. სენაკის მუნიციპალიტეტის მერმა, ვახტანგ გადელიამ, მიმდინარე სასწავლო წელს მოპოვებული წარმატებებისთვის, ქალაქის მე-2 და მე-3 სკოლებს, კერძო სკოლა ლიცეუმსა და კერძო სკოლა „მარიოტას“ საპატიო სიგელები გადასცა. საღამოზე, მუნიციპალიტეტის საკრებულოს პირველმა მოადგილემ, ლევან უჩანეთიშვილმა, მერის მოადგილემ, ნანა ზარანდიამ და საგანმანათლებლო რესურსცენტრის უფროსმა, დარეჯან ზარანდიამ საპატიო სიგელები გადასცეს საჯარო და კერძო სკოლების, სკოლამდელი აღზრდის, სასპორტო გაერთიანების, სახელოვნებო სფეროს 36 ღვანულმოსილ და წარმატებულ პედაგოგს. ღონისძიებაზე, მაცურებლის წინაშე წარდგა ქართველი შემსრულებელი, ნეკა სეზისკვერაძე, ბენდთან: პიანისტ - ნინო გულიაშვილთან, დრამერ - გიო კაპანაძესთან, ბასისტ - კოკა მამალაძესთან ერთად. საღამო, მსახიობს და ტელეწამყვანს, კახა მიქიაშვილს მიჰყავდა.

მუნიციპალიტეტის მერიის საზოგადოებასთან ურთიერთობის და ინფორმაციული უზრუნველყოფის განყოფილება

თქვენ ის მასწავლებლები ბრძანდებით, მუნიციპალიტეტმა მასწავლებლის დღესთან დაკავშირებით რომ გამოარჩია და დააჯილდოვა. როგორი გრძნობაა, როცა შენი გაკეთებული საქმით, განვლილი გზით ფასდება და პატივს იმსახურებ?

ლენა გომინავა, ფიზიკა-მათემატიკის

მასწავლებელი №1 საჯარო სკოლაში - მასწავლებლის ეროვნულ დღესთან დაკავშირებით ჩვენი დაჯილდოებით მეუფლება მომავლის იმედი, მაღლიერების გრძნობა განათლების სამინისტროს, სენაკის მუნიციპალიტეტის რესურსცენტრის კოლექტივის, ჩემი კოლეგების მიმართ, რომ ჩვენს ქვეყანაში მასწავლებლის ხანგრძლივი, ნაყოფიერი შრომა ყოველთვის დაფასებული იქნება.

ჩემი მოსწავლეების სიყვარულითა და სითბოთი მოციმციმე თვალები მაძლევს სტიმულს, მოტივაციას კვლავ ახალი შემართებით გავაგრძელო მუშაობა.

ნინო ჟიჟარაძე, ნოქალაქის საჯარო სკოლის ს.გ. მასწავლებელი

ჩემი პედაგოგიური გზა - კეთილსინდისიერი მუშაობის გზაა. აღსაზრდელების წინაშე პირნათელი რომ ვყოფილიყავი, ენერჯია არასოდეს დამიზოგავს. მნიშვნელოვანია როცა მოსწავლეები, საზოგადოება მასწავლებლის შრომას ხედავს, აფასებს და პატივს სცემს. მაღლობა ჩემი ღვანლის დაფასებისათვის.

ნონა მაჭარაძე, №7 საჯარო სკოლის

მათემატიკის მასწავლებელი

ჩემი გაკეთებული საქმეებითა და განვლილი გზით ნამდვილად ვამაყობ, პატივისცემას ვგრძნობ ოჯახის, ახლობლებისა და თითოეული ყოფილი თუ ახლანდელი მოსწავლისაგან.

დამერწმუნეთ ეს გრძნობა ყოველგვარ ჯილდოზე მეტად მახარებს და მაძლევს სტიმულს კიდევ დიდხანს ვაკეთო საყვარელი საქმე.

მიყვარს ჩემი პროფესია და მთელი სულითა და გულით ვემსახურები მომავალი თაობების აღზრდას.

ნარბიზა მიქაძე, აფხაზეთის №7 საჯარო სკოლის მათემატიკის მასწავლებელი.

ძალიან სასიამოვნოა როცა შრომას და ამაგს გიფასებენ. მაღლობელი ვარ როგორც ჩემი კოლექტივის, ასევე ჩემი დირექტორის, ქალბატონ ელისო სიჭინავასი, აგრეთვე იმ ადამიანების, რომლებმაც ასეთი გულისამაჩუყებელი და სასიამოვნო საღამო გვაჩუქეს, მაღლობა ბატონ ვახტანგ გადელიას და მისი გუნდს - ამ ღამეზე ღონისძიების ავტორებს.



„დედა ენა გარეგნობით როდია ადამიანის არსებასთან შეკავშირებული, იგი როდი ჰგავს ტანისამოსს, რომლის გამოცვლა ადვილად და უვნებლად შეიძლება. მას აქვს ღრმად გამდგარი ფესვები ადამიანის ტვინში, ნერვებში, ხმის ორგანოებში, ძვალსა და რბილში, მთელს მის ბუნებაში, იგი არის ძვირფასი იარაღი, რომელიც ბუნებას ზედ გამოუჭრია ადამიანის სულსა და ხორცზე, მის ფსიქოლოგიურს და ფიზიოლოგიურს აგებულებას. ყოველს ადამიანს დაბადებითან ჰყვება მიდრეკილება და ნიჭი დედა ენის ადვილად და ღრმად შესწავლისა სწორედ იმ გვარად,


როგორც ბუღბუღს ჰყვება დაბადებითანვე ბუღბუღის გალობის ნიჭი, იადონს-იადონურის გალობის ნიჭი და სხვა. ბავშვის ყოველ აზრს, წარმოდგენას, გრძნობასა და სულის მოძრაობას მხოლოდ დედაენა ჰხატავს სინამდვილედ და სისრულით.

ამასთან დედა ენა არის ძვირფასი საღამო, დაუსრულებელი რეველი, რომელშიც დაცულია მთელი სიმდიდრე ხალხის გონებისა, ფანტაზიისა და გულისა, ნაფიქრისა, ნაგრძნობისა და ნამოქმედარისა და რომლის შესწავლა ბავშვს აკავშირებს მთელის ერის სულით და გულთან, მის ხანგრძლივ ისტორიულს ცხოვრებასთან და ავსებს მას სულიერის ღონით და მხნეობით. ამიტომ, როდესაც

რომელიმე მშობელი თავის შვილს აშორებს დედა-ენას და უცხო ენას ასწავლის... ის ხელითგან ართმევს თავის შვილს ერთადერთს ძლიერს ღონისძიებას გონების სწორე გახსნისთვის სიპატარავის დროსა, მის ბუნების შესაბამის იარაღსა, მრომლის ხმარება და გამოყენება ბავშვს ძლიერ ეადვილება, და ძალიად აჩეჩებს ხელში იმისთანა შეუსაბამო იარაღს, რომლის მოხმარების შეთვისება ძლიერ ძნელია და რომელიც არასდროს არ გაუწევს ბუნებების იარაღის სამსახურსა“.

დიალ, მხოლოდ დედა-ენა არის ენა სული-სა და გულისა,- ყველა უცხო ენანი კი არიან ენანი მესხიერებისა“

იაკობ გომეზაშვილი



„ეგრისობის“ წახნაგები მრავალფეროვანია, დაარსებისთანავე იქცა იგი საერთო სახალხო დღესასწაულად და რაც უფრო გადის დრო, მით მეტად იხვეჭს სახელს, არ კარგავს პოპულარობას. ამის მიზეზი მისი მთავარი ღერძია, რომელიც წარსულისა და აწმყოს სინთეზით, ისტორიის, წინაპართა განვლილი გზის, ყოფა-ცხოვრების, წეს-ჩვეულებების... თანამედროვეობასთან ბმით იქმნება. ეს ის დღესასწაულია, როცა შეგიძლია დროში იმოგზაურო, გაიგო და შეიმეცნო ბევრი რამ, იამაყო შენი ჯიშით და ჯილაგით, მოეფერო წინაპართა სულს, მწარედ შეიგრძნო მომხდურთა სიავენი, ... გაეცნო დღევანდლობის მიღწევებს სფეროების მიხედვით. მოუსმინო ახალგაზრდებს, ცნობად სახეებს, ხელისუფლებისა და საზოგადოების წარმომდგენლებს, შემოქმედებით კოლექტივებს,...

არც წლებიანდელი „ეგრისობა“ გახლდათ გამონაკლისი, რომელიც გაიმართა 12 ნოემბერს და იყო სანახაობრივ შინაარსობრივი მრავალფეროვნებით, განსხვავებული ხედვებითა და ნიუანსებით გამორჩეული. მთავარი აქცენტი კულტურისა და ტრადიციების ხაზგასმა გახლდათ.

„ეგრისობა“ დაიწყო სენაკის სამხატვრო გალერეაში მხატვარ ჰაიკო გახარისა პერსონალური ნამუშევრების გამოფენით. ის არის საქართველოს დამსახურებული მხატვარი, მხატვართა კავშირის წევრი. მისი ტილოები გამოფენილი იყო აშშ-ში, იაპონიაში, საფრანგეთში, გერმანიაში და სხვადასხვა ქვეყნებში, ბატონი ჰაიკო ქართული გობელენისა და ხალიჩების ნაწარმის აღიარებული ოსტატი. გამოფენა დაათვალიერა რეგიონისა და ადგილობრივი ხელისუფლების წარმომადგენლებმა, ფართო საზოგადოებამ.

„ეგრისობის“ ძირითადი ნაწილი ნოქალაქევის არქიტექტურულ-არქეოლოგიურ მუზეუმ-ნაკრძალში გაგრძელდა. შემოდგომის ფერთა სიუხვით გაჯერებული ისტორიული ციხე-გოჯის ტერიტორია კიდევ უფრო შთამბეჭდავი გახდა. როცა გაფორმების ინდივიდუალური ხელნერით გა-

მორჩეული კუთხეები, პავილიონები, ყოფილი ატრიუტებით დაიტვირთა, განათებები მოეწყო, დღესასწაულის სახეს წარმოადგენდა მენარმეთა მიერ წარმოდგენილი პროდუქტთა მრავალფეროვნება, სპორტული და შემოქმედებითი აქტივობები, საბავშვო სივრცე, ხატვის მასტერკლასები, დეგუსტაცია, გამოფენა-გაყიდვები და ა.შ.

ვიდეორგოლი „ერთად განვაახლოთ სენაკი“ კი იყო ერთგვარი პრეზენტაცია სენაკის მუნიციპალიტეტში განხორციელებულ მასშტაბურ ინფრასტრუქტურული პროექტებისა.

აქ ყველა კუთხის ინდივიდუალურობა თავისთავადობაში გამოხატა.

ხელოვნების ცენტრის კუთხე წარმოდგენილი იყო სამხატვრო სკოლის მოსწავლეთა ფერწერული და ფერად გრაფიკაში შესრულებული ნამუშევრებით, ასევე კერამიკის, ძერწვის და ხელოვნების სხვა ნიმუშებით, ბავშვთა ფოლკლორული ანსამბლით „მორდუ“, გიტარისტთა ანსამბლითა და ანსამბლ „გოგალაით“, სამხატვრო სკოლის მოსწავლეები დაკავებული იყვნენ სატაძროარქიტექტურის ხატვით და მოზარდთა სახის მოხატვით.

ადმინისტრაციული ერთეულების ეზოში მეგრული ფაცხით, შესატყვისი საყოფაცხოვრებო ნივთებით, ნუგბარებით, ნაირნაირი კერძებითა და სასმისებით ხვდებოდნენ სტუმართმოყვარე მასპინძლები დამთვალიერებელთ.

მოსწავლე ახალგაზრდობის და კულტურის ცენტრის პავილიონი მრავალმხრივი და მრავალფეროვან პროდუქციას გაფორმებით, ფოტოზონით, ინსტალაციებით, გლინტვინით ირჩეოდა, ანსამბლ „კოლხისა“ და საესტრადო სიმღერების შემსწავლელი წრის ნომრები ატკობდა მსმენელს.

საჯარო სკოლების კუთხე, ახალგაზრდულ მრჩეველთა საბჭოს კუთხე „იმოგზაურე წარსულში“ და ა.შ. იყო საინტერესო და თვითმყოფადი.

„ეგრისობას“ სტუმრობდნენ ადგილობრივი და მოწვეული (საქართველოს მასშტაბით) მენარმეები. მათი პროდუქციის ასორტიმენტი მრავალფეროვანი გახლდათ. ასე მაგ: მენარმე ბადრი კოკაია (თბილისი) წარმოდგენილი იყო ნატურალური წვენებით, პოპკორნითა და ვირტუალური სათვალით. კომპანია „კოპემინი“ (ზუგდიდი)

სპარტაკ ქოზულია, გაზეთ „საქართველოს რესპუბლიკის“ მთავარი რედაქტორი

12 ნოემბრის განახლებული „ეგრისობა“ მთელი საქართველოს დღესასწაულია, რადგანაც უძველესი ნოქალაქევი და არქეოპოლისი, ზოგადად მრავალსაუკუნოვანი კოლხეთი ქართული სახელმწიფოებრიობის, ქართული კულტურის საფუძველთა საფუძველია!

დღევანდელი სენაკის მუნიციპალიტეტი მრავალჭირგადანახადი საქართველოს ერთ-ერთი ყველაზე კოლორიტული, გამორჩეული, ეკონომიკურად და სულიერ-ზნეობრივად ამაღლებული მხარეა.

ბუნებრივია, სოციალური პრობლემებიც ბევრია, მაგრამ ღვთისმშობელი შრომისმოყვარეობის და სიყვარულის ნიჭით გამორჩეული გადავლიების და ოდიშარიების თაობა ამ პრობლემებს 2-3 წელიწადში მოაგვარებს...

გილოცავთ „ეგრისობას“. ღმერთმა მშვიდობა და ერთმანეთის სიყვარული მოგმადლოთ!

ელისო ლემონჯავა, პედაგოგი

პირველად ვესწრები... პირველად ვიხილე სიუხვე ფერთა, მრავალფეროვნება ჩვენი ყოფიერების...

სოფლის ღონეს, ჰარმონიას და სილამაზეს აქ იგრძნობ... მინდა, ბედნიერება და მშვიდობა სუფევდეს კოლხთა ოჯახებში... ეს ხომ ის ადგილია, სადაც არქეოპოლისის, ჩვენი წარსული დიდების სურათები ცოცხლდება...

ჩვენ შევძლებთ უცილოდ დიდებულად გაბრწყინდეს ჩვენი სამშობლო! მრავალჟამიერ, ერო!



კი ჩირებითა და ცუკატებით, კომპანია „ჯეოლაივი“ (თბილისი, მარკეტინგის წარმომადგენელი ნინო ჯანჯღავა) ზეთუნის ზეთით, ზეთისხილის პროდუქციით და ნერგებით. ადგილობრივი მენარმეებიც კონკურენტუნარიან პროდუქციას (თაფლი, ჩირი, ყველი) სთავაზობდნენ მყიდველს.

„ქართული გასტრონომიული კულტურის მუზეუმის“ დამფუძნებელ ესმა კუნჭულიას მეტად დამაინტრიგებელი სლოგანი ჰქონდა ბანერზე გამოტანილი – „ერთად დავაგემოვნოთ ისტორია თეფშზე“. მან ექსკლუზიურად „ეგრისობა“ 2023-სთვის აღადგინა რამდენიმე ისტორიული კერძი 1874, 1891, და 1935 წელს გამოცემული ნიგნებიდან.

„მე გავაცოცხლე მე-19 საუკუნის მენიუ, ...ჩემი მთავარი ღერძი მეგრული სამზარეულოს სიამაყე ღომია, რომელშიც მოვათავსებ 8 სახეობის ქართულ და 3 სახეობის უცხოურ ყველს... კიდევ ბევრი ნიუანსია, რომელსაც გზადაგზა მოგიყვებით“... ასე გავაცოცხლებ ისტორიას თეფშზე“ - აღნიშნა მან.

ანა მიქაძე-ჩიკვაიძეს სხვადასხვა სახეობის ყველი ჰქონდა გამოტანილი. „ჩემი ბავშვობა ამ მიდამოებში გავატარე, აქ გავიზარდე. მე ხომ სენაკელი ვარ. დღეს ვისაუბრებ სვანურ ნარჩხზე, ფშავურ-მთიულურ დამბალ ხაჭოზე და მესხურ ყველზე. უნდა დაინყოს სამურნეო კულტურათა დიალოგი“ - თქვა მან.

ერთი საინტერესო სიახლეც ახლდა ამ „ეგრისობას“. ცენტრალურ პავილიონში, სადაც საარჩევნო ადმინისტრაციის წარმომადგენლები ელექტრონული ტექნოლოგიით ხმის მიცემის წესის გაცნობის კამპანიას ატარებდნენ.

ეგრისობის მნიშვნელოვანი შემადგენელი ნაწილი გახლდათ საპატიო მოქალაქეების დაჯილდოვება.

მუნიციპალტეტის მერი ვახტანგ გადელია, სენაკის საკრებულოს თავმჯდომარე საბა ოდიშარია, საქართველოს პარლამენტის წევრი, სენაკის, ფოთისა და ხობის მაჟორიტარი დეპუტატი გიორგი ხახუბია შეკრებილ საზოგადოებას მიესალმნენ და დღესასწაული მიულოცეს.

სენაკის საპატიო მოქალაქის ნოდება 16 ადამიანს მიენიჭა ქალაქისა და ქვეყნის წინაშე განეული დამსახურებისათვის, ხანგრძლივი და ნაყოფიერი პროფესიული საქმიანობისათვის.

ესენი გახლავთ: გია ადამია, მანანა ჭანტურია, გურამ ზესაშვილი, ლაშა ტალახაძე, გურამ მისაბიშვილი, შოთა ლომია, ვახტანგ ბესელია, ლალი გოგინავა, გიორგი სალაყაია, კახაბერი ივანიძე, ამირან აფაქიძე, მარიამ ქუჩულორია, ჰაიკო გახარია, ვენერა ლიპარტია, გიორგი თოლორდავა, სულ სეფიაშვილი.

დაჯილდოებით გამონვეული პირველი ემოცია ჩვენთან საუბარში ასე გამოხატა ქალბატონმა მანანა ჭანტურიამ: - „სრულიად უცნობი გრძნობაა, რომელიც არასოდეს განმიცდია, ამას ჰქვია სიამაყის, ბედნიერების, დაფასების, და ბოლოს უსაზღვრო მადლიერების გრძნობა“.

ეგრისობის ბოლო აკორდი გალაკონცერტი გახლდათ, რომელშიც მონაწილეობდნენ: „შვიდეკაცა“, „ქართული ხმები“, „თეატრალური კვარტეტი“, „ალილო“, „ფორტე“, დავით მაზანაშვილის ბენდი. სალამო მიჰყავდა თეატრმცოდნესა და ნამყვანს ნიკოლოზ ნულუკიძეს.

„ეგრისობას“ სტუმრობდნენ საქართველოს პარლამენტის წევრი ირაკლი ჩიქოვანი, სახელმწიფო რწმუნებული სამეგრელო - ზემო სვანეთის მხარეში გიორგი გუგუჩია, სახელმწიფო რწმუნებულის მოადილეები დავით კუხალიშვილი და ლუდუკი ხასია, აფხაზეთის ავტონომიური რესპუბლიკის იძულებით გადაადგილებულ პირთა მინისტრი დავით ფაცაცია, თვითმმართველობისა და საზოგადოების წარმომადგენლები.

ასე მრავალფეროვნად, მრავალსახოვნად, შემეცნებითი აქტივობებით... უმასპინძლა „ეგრისობა“ 2023-მა ყველა თაობის სტუმარს და თან გააყოლა „სიყვარული როგორც ნამქერი“.

ნინო სართანია,
მაია გერბაია

„სოფლის მხარდაჭერის პროგრამა“ დასრულების უკაზმა



„სოფლის მხარდაჭერის პროგრამის“ ფარგლებში, სენაკის მუნიციპალიტეტის 15-ვე ადმინისტრაციულ ერთეულში, მოსახლეობის მიერ შერჩეული პროექტების მიხედვით დაფინანსებული პროექტების განხორციელება, დასრულების ეტაპზეა.

ნოსირის ადმინისტრაციულ ერთეულში, 68 000 ლარის ფარგლებში, შემდეგი პროექტები განხორციელდა: სოფელ ნოსირში - შემოიღობა საძოვარი და მოეწყო გარე განათების სისტემა; შუა ნოსირში - მოეწყო საბავშვო ბაღის ღობე; ასევე კეთილმოეწყო სოფლის

ცენტრის და სასაფლაოს მიმდებარე ტერიტორიები; სოფელ საბესელიოში - ცხაურის და რკინიგზის გასწვრივ, რეაბილიტირდა ღობე; სოფელ საკლასონოში - მოწესრიგდა სანიაღვრე არხი და შემოიღობა საძოვარი; სოფელ საოდიშარიოში - მოეწყო ცხაური და ამოინმინდა სანიაღვრე არხი.

მეორე ნოსირის ადმინისტრაციულ ერთეულში - ღირებულებით - 16 000 ლარი - მოეწყო გარე განათების სისტემა;

გეჯეთის ადმინისტრაციულ ერთეულში - ღირებულებით, 16 000 ლარი შესრულდა შემდეგი სამუშაოები: მოწესრიგდა სანიაღვრე არხი; მოეწყო სასაფლაოს ღობე. სამივე ადმინისტრაციულ ერთეულში დასრულებულ სამუშაოებს, სენაკის მუნიციპალიტეტის მერის პირველი მოადგილე, ბადრი ქუთელია, შესაბამისი სამსახურების წარმომადგენლებთან ერთად გაეცნო.

ლექაძამეს ადმინისტრაციულ ერთეულს, ადგილობრივ მაცხოვრებელთა მიერ შერჩეული პროექტების განსახორციელებლად 64 000 ლარი გამოეყო: დასრულებულია ლექაძამეს ცენტრში სკვერის მოწყობის სამუშაოები; სკვერის ასევე მოეწყო სოფელ ბეთლემში.

ზემო ქალადიდის ადმინისტრაციული ერთეულისთვის გამოყოფილი 32 000 ლარის ფარგლებში, შემდეგი პროექტები შესრულდა: სოფელ მუხურის ცენტრში კეთილმოეწყო სკვერი; სოფელ მუხურში, საბავშვო ბაღის ეზოში, დამონტაჟდა ატრაქციონი.

დასრულებულ პროექტებს, ლექაძამესა და ზემო ქალადიდის ადმინისტრაციულ ერთეულებში, სენაკის მუნიციპალიტეტის მერი, ვახტანგ გადელია, მუნიციპალიტეტის საკრებულოს თავმჯდომარე, საბა ოდიშარია, საკრებულოს თავმჯდომარის პირველი მოადგილე, ლევან უჩანეიშვილი, მერის პირველი მოადგილე, ბადრი ქუთელია, საკრებულოს თავმჯდომარის პირველი მოადგილე, ლევან უჩანეიშვილი და შესაბამისი სამსახურების წარმომადგენლები გაეცნენ.



ტრაციულ ერთეულებში, სენაკის მუნიციპალიტეტის მერი, ვახტანგ გადელია, მერის პირველი მოადგილე, ბადრი ქუთელია, საკრებულოს თავმჯდომარის პირველი მოადგილე, ლევან უჩანეიშვილი და შესაბამისი სამსახურების წარმომადგენლები გაეცნენ.



სენაკის მუნიციპალიტეტის მერი, ვახტანგ გადელია, მუნიციპალიტეტის საკრებულოს თავმჯდომარე, საბა ოდიშარია, საკრებულოს თავმჯდომარის პირველი მოადგილე, ლევან უჩანეიშვილი, მერის პირველი მოადგილე, ბადრი ქუთელია, სენაკის მუნიციპალიტეტის თეკლათის ადმინისტრაციულ ერთეულში, „სოფლის მხარდაჭერის პროგრამის“ ფარგლებში, განხორციელებულ პროექტებს გაეცნენ.

ვილი, მერის პირველი მოადგილე, ბადრი ქუთელია, სენაკის მუნიციპალიტეტის თეკლათის ადმინისტრაციულ ერთეულში, „სოფლის მხარდაჭერის პროგრამის“ ფარგლებში, განხორციელებულ პროექტებს გაეცნენ.

სახელმწიფო ბიუჯეტიდან გამოყოფილი თანხა - 72 000 ლარი, ადგილობრივი მაცხოვრებლებისთვის სასურველი პროექტების განხორციელებას მოხმარდა:

თეკლათის ადმინისტრაციული ერთეულის სოფელ რეკაში მოეწყო ცხაური და ღობე; სოფელ საგვარამიოში დამონტაჟდა ტრენაჟორები.



სენაკის მუნიციპალიტეტის ადმინისტრაციულ ერთეულებში, „სოფლის მხარდაჭერის პროგრამის ფარგლებში“, მოსახლეობასთან კონსულტაციებითა და სოფლის კრებებზე მიღებული გადაწყვეტილებებით, 31 პროექტი შეირჩა, რისთვისაც სახელმწიფოსგან 738 000 ლარი და თანადაფინანსებით, ადგილობრივი ბიუჯეტიდან - 21 200 ლარი გამოიყო. პროგრამის ფარგლებში, ახალსოფლის ადმინისტრაციული ერთეულის სო-

ფელ ისულაში, ორ ლოკაციაზე, გაბურღილები მოეწყო;

ახალსოფლის ცენტრალურ გზაზე, გარეგანათების ახალი ქსელი დამონტაჟდა. პროექტების განსახორციელებლად, ახალსოფლის ადმინისტრაციულ ერთეულში, 32 000 ლარი დაიხარჯა. შესრულებულ სამუშაოებს, სენაკის მუნიციპალიტეტის მერი, ვახტანგ გადელია, პირველი მოადგილესთან, ბადრი ქუთელიასთან და შესაბამისი სამსახურების წარმომადგენლებთან ერთად, ადგილზე გაეცნო.

მუნიციპალიტეტის მერიის საზოგადოებასთან ურთიერთობის და ინფორმაციული უზრუნველყოფის განყოფილება

„მზად ვარ ყურადღებით განვიხილო ახალგაზრდების ინიციატივები“

ჩვენი ნომრის სტუმარია სენაკის მუნიციპალიტეტის საკრებულოს სოციალურ საკითხთა კომისიის თავმჯდომარე, ქალბატონი ინგა ქარდავა.

მისი ბიოგრაფია გაჯერებულია დადებითი შტრიხებით, სამჯერ იქნა არჩეული საკრებულოს წევრად. მას აქვს სათანადო კომპეტენცია და პასუხმგებლობა თავისი სიტყვა თქვას ადგილობრივი მნიშვნელობის საკითხების გადაწყვეტაში. არის პარტია „ქართული ოცნება-დემოკრატიული საქართველო“ სამეგრელო-ზემო სვანეთის ქალთა ორგანიზაციის საბჭოს წევრი და ქალთა უფლებების დაცვის მიმართულების ხელმძღვანელი.

აქტიური და მიზანდასახული ქალბატონი თვლის, რომ რაც მეტი ქალი ჩაერთვება ადგილობრივ თვითმმართველობაში, მით უფრო მოგვარდება ქალთა საჭიროებები რეგიონში.

თავად ორი წარმატებული შვილის დედას სურს, რომ ახალგაზრდებმა იცხოვრონ ძლიერ, გამთლიანებულ, ევროპული ღირებულებებით გაძლიერებულ, ეკონომიკურად აღორძინებულ საქართველოში. ამასთან თვლის, რომ მეტი ყურადღება უნდა დაეთმოს ახალგაზრდებიდან წამოსულ ინიციატივებს.

გთავაზობთ ინტერვიუს ქალბატონ ინგა ქარდავასთან.

ქალბატონო ინგა, როგორც მუნიციპალიტეტის საკრებულოს სოციალურ საკითხთა კომისიის თავმჯდომარე, რა ძირითად პრიორიტეტებს გამოყოფდით კომისიის საქმიანობიდან?

როგორც მუნიციპალიტეტის საკრებულოს სოციალურ საკითხთა კომისიის თავმჯდომარე, აქტიურად ვარ ჩართული მუნიციპალიტეტისათვის ყველა მნიშვნელოვანი საკითხის განხილვა და დაგეგმვაში.

საკრებულოს სხდომებზე, აქტიურად ვუჭერ მხარს სენაკის მუნიციპალიტეტში განსახორციელებელ სოციალურ და ინფრასტრუქტურულ პროექტებს.

საკრებულოში ჩემი საქმიანობიდან გამომდინარე, კომისიის წევრებთან ერთად, ვმართავთ კვარტალურ მოხსენებს, არასამეწარმეო (არაკომერციულ) იურიდიული პირისა და მერიის სამსახურების მიერ განხორციელებული საქმიანობის შესახებ.

საკრებულოს სოციალურ საკითხთა კომისიაში წარმოდგენილ, ოპოზიციური პარტიის წარმომადგენლებთან ერთად, ეტაპობრივად ვსტუმრობთ მუნიციპალიტეტში არსებული ა. (ა).ი.პ.-ების დაქვემდებარებულ დაწესებულებებს. ვხვდებით მათ ხელმძღვანელობასა და ადმინისტრაციის თანამშრომლებს, ვეცნობთ იქ არსებულ ვითარებას და გარკვეული პრობლემების არსებობის შემთხვევაში ვმსჯელობთ მათი მოგვარების გზებზე.

უფლებამოსილებიდან გამომდინარე, კომისია განიხილავს და საკრებულოს წარუდგენს წინადადებებს, რეკომენდაციებს და დასკვნებს, განათლების, კულტურის და სპორტის განვითარების მუნიციპალურ პროგრამათა პროექტების შესახებ, სკოლამდელი და სკოლისგარეშე სააღმწარღველი დაწესებულებების არასამეწარმეო (არაკომერციულ) იურიდიული პირის ფორმით შექმნასა და მათი ფუნქციონირებასთან დაკავშირებული საკითხების შესახებ, ადგილობრივი მნიშვნელობის ბიბლიოთეკების, სპორტული ობიექტების საქმიანობის ხელშეწყობის, ჯანმრთელობის დაცვისა და სანიტარულ-ეპიდემიოლოგიური მომსახურების მუნიციპალურ პროგრამათა პროექტების შესახებ და შეზღუდული შესაძლებლობების მქონე პირთა სოციალურ-საყოფაცხოვრებო მომსახურების სახეების დაფინანსების საკითხების შესახებ.

რა შეგიძლიათ თქვათ საკრებულოს გენდერული თანასწორობის საბჭოს საქმიანობაზე და მათ მიერ განხორციელებულ პროექტებზე?

სენაკის მუნიციპალიტეტის საკრებულოს გენდერული თანასწორობის საბჭო, განიხილავს მუნიციპალიტეტში გენდერული თანასწორობის დაცვის მდგომარეობას, შეიმუშავებს წინადადებებს ადგილზე დისკრიმინაციის გამოვლენისა და აღმოფხვრის უზრუნველსაყოფად შესაბამისი ღონისძიებების შემუშავებისა და განხორციელების კოორდინაციის მიზნით.

საბჭოს საქმიანობებიდან გამომდინარე, მინდა განსაკუთრებით გამოვყო, საკრებულოს გენდერული თანასწორობის საბჭოს მიერ ამჟამად გამოცხადებული საგრანტო კონკურსი „ქალთა ეკონომიკური გაძლიერების ხელშეწყობა“. ქალთა ეკონომიკური გაძლიერების ხელშეწყობის მიზნით გამოცხადებული კონკურსის ბიუჯეტი, 10000 შეადგენს და თანხა ორ გამარჯვებულზე გადანაწილდება.



თვლით, თუ არა რომ საჭიროა ახალგაზრდების მეტი ჩართულობა თვითმმართველობის ორგანოების მუშაობაში, თქვენ თავად როგორ ეკიდებით ახალგაზრდების მხრიდან წამოსულ ინიციატივებს.

ახალგაზრდები მნიშვნელოვანია, რადგან მათ დიდი იმედები უკავშირდება, საზოგადოება ახალგაზრდებს განიხილავს როგორც ადამიანებს, რომლებმაც უნდა შეცვალონ ღირებულებები და ქალაქისა და ქვეყნის უკეთესი მომავლის შექმნას შეუწყონ ხელი.

ახალგაზრდების ჩართულობა და მათი აქტიურობა მნიშვნელოვანია ყველა საკითხში, განსაკუთრებით თვითმმართველობის ორგანოების მუშაობაში. სენაკის მუნიციპალიტეტის საკრებულოში მიიღო 2023-2026 წლების კომუნიკაციის სტრატეგიის დოკუმენტი, სადაც განვიხილავთ გეგმა და მასში განსაკუთრებული ყურადღება ეთმობა ახალგაზრდების როლს და ურთიერთობას ადგილობრივი თვითმმართველობის ორგანოებთან. მზად ვარ, განსაკუთრებული ყურადღებით მოვისმინო და განვიხილო ახალგაზრდების მხრიდან წამოსული მუნიციპალიტეტისათვის საინტერესო ინიციატივები.

თქვენ როგორც საკრებულოს წევრი და რიგითი სენაკელი, რას თვლით ჩვენს მუნიციპალიტეტში უპირველეს მოსაგვარებელ პრობლემად?

სხვა მნიშვნელოვან საკითხებთან ერთად მოსაგვარებელ საკითხად დავასახელებდი პარკირების თემას. პარკირების პრობლემა ძირითადად ქალაქის ცენტრალურ ქუჩებზეა. ამიტომ, აუცილებელია დამატებითი ტერიტორიების გამოყოფა და პარკინგის მოწყობა, რაც მძღოლებისათვის გადაადგილებას უფრო კომფორტულსა და უსაფრთხოს გახდის.

როგორია თქვენი დამოკიდებულება ბექდური მედიის მიმართ, რას უსურვებდით 100 წლოვანი ისტორიის მქონე გაზეთ „კოლხეთს“.


ზოგადად მედიას, განსაკუთრებით მიუკერძოებელ და ობიექტურ ბექდურ მედიას, რომ განსაკუთრებული ადგილი უჭირავს ქვეყნის განვითარებაში ეს ყველასათვის კარგად ცნობილია. მრავალფეროვანი, დაბალანსებული და პლურალისტული მედია, რომელიც პროფესიული ჟურნალისტიკის ეთიკურ სტანდარტებს ეფუძნება და მაკონტროლებელი ინსტიტუტის როლს ასრულებს, ნებისმიერი ქვეყნის დემოკრატიული განვითარების აუცილებელი კომპონენტია.

სენაკის ისტორიის მემკვიდრე, საუკუნოვან გაზეთს, ვუსურვებ პროფესიულ წინსვლასა და განვითარებას, საინტერესო სიახლეებს, ერთგული მკითხველის სიმრავლეს, სიყვარულისა და ნდობის შენარჩუნებას.

მომზადდა მ. ეჯიზია

მრავალგზის ლაურეატი და გრანპრის მფლობელი

ახალგაზრდობა ჩვენს ქვეყანაში ყველაზე დიდ ფასეულობას წარმოადგენს. შესაბამისად, მათი მეტი ჩართულობა სხვადასხვა სფეროში, კიდევ უფრო ზრდის ახალგაზრდების პოტენციალს და როლს.



უტა სიჭინავა მეთორმეტკლასელია. დაწყებითი კლასიდანვე იჩენდა მიდრეკილებას ჰუმანიტარული დისციპლინებისადმი. აქტიურად მონაწილეობდა საგნობრივ ოლიმპიადებსა და შემოქმედებით კონფერენციებში. განსაკუთრებით დასამახსოვრებელი იყო საქართველოს ტელევიზიის პირველი არხის საგანმანათლებლო პროექტში - „ხართ თუ არა მეექვსე კლასელზე ჭკვიანი“ - მონაწილეობა და წარმატება.

უტა სიჭინავა გამოირჩევა ცეკვის განსაკუთრებული ნიჭით. იგი 4 წლის ასაკიდან ცეკვავს. ცეკვის უსაზღვრო სიყვარულს თან ერთვის მონდომება და შრომისმოყვარეობა.

ცეკვისადმი ინტერესისა და სიყვარულის გაღვივებაში დიდი წვლილი მიუძღვის შალვა (ჯამუ) გარუჩავას სახელობის სახალხო ქორეოგრაფიულ ანსამბლ „კუჩხბედინერის“ ხელმძღვანელს, ქორეოგრაფ ზვიად გვასალიას. სწორედ ზვიად მასწავლებლის დაუღალავმა მეცადინეობამ შეაძინა უტას, რომ ქართული ცეკვა ქართული იდენტობის ნაწილი და ეროვნული სიამაყეა.

უტა განსაკუთრებული სამეცნიერო მანერით, დახვეწილობით გამოირჩეოდა საქართველოს ქორეოგრაფიული კავშირის მიერ გამართულ რესპუბლიკურ, რეგიონულ და საერთაშორისო ფესტივალებზე. არის მრავალგზის ლაურეატი, გრანპრის მფლობელი. მის მიერ შესრულებული ცერი იქცა ანსამბლ „კუჩხბედინერის“ სავიზიტო ბარათად.

უტას აქვს განსაკუთრებული იმპროვიზაციის უნარი, ადვილად ითვისებს ქართული ცეკვის ილეთებს. შემიძლია ვთქვა, რომ

თავისთავადია, თავისუფალია სცენაზე, უფრო სწორად - „ის სხვას არ ჰგავს“. როგორც ქორეოგრაფმა და ამავე დროს, როგორც ნათლიამ, მინდა უდიდესი წარმატება ვუსურვო ხელოვნების რთულ, მაგრამ საპატიო გზაზე - ამბობს ანსამბლ „კუჩხბედინერის“ ხელმძღვანელი, ზვიად გვასალია.

უტა სიჭინავა ამჟამად სწავლობს ცეკვის აკადემიაში „სუხიშვილები“. ამ აკადემიაში სწავლა დიდი პატივი და პასუხისმგებლობაა, რადგან „სუხიშვილი“ არის ბრენდი, რომელმაც ისტორიაში დიდი ხანია საკუთარი ღირსეული და გამორჩეული ადგილი დაიმკვიდრა.

უტას სამომავლო პროფესიად არჩეული აქვს „პოლიტიკის მეცნიერებისა და საჯარო მმართველობის“ მიმართულება.

შვილების სწავლა-განათლებლას პრიორიტეტს ანიჭებენ მშობლები: კახა სიჭინავა და ჩვენი კოლეგა, სენაკის მუნიციპალიტეტის მერიის საზოგადოებასთან ურთიერთობისა და ინფორმაციული უზრუნველყოფის განყოფილების უფროსი, თეა გრიგოლია.

უტას და, ტატა სიჭინავა, 100%-იანი გრანტით სწავლობს საგანმანათლებლო სივრცის ყველაზე პრესტიჟულ - დავით ტვილდიანის სახელობის სახელმწიფო სამედიცინო უნივერსიტეტში.

უტა თვლის, რომ ცეკვა გაუადვილებს სწავლას უმაღლეს სასწავლებელში, დაეხმარება სირთულეთა დაძლევაში. მისთვის ცეკვა მხოლოდ ჰობი არ არის, მთელი სამყაროა.

რედაქციის სახელით, მიზანდასახულ ახალგაზრდას ვუსურვებთ წარმატებებს, უმაღლეს სასწავლებელში ჩარიცხვას, ისეთ ქვეყანაში ცხოვრებას, სადაც მაქსიმალურად შეძლებს საკუთარი პოტენციალის წარმოჩენას და რეალიზებას.

დასასრულს, მკითხველს გვინდა ვაუწყოთ სასიამოვნო სიახლე: ჩვენი თანაქალაქელი, წარმატებული ახალგაზრდა, უტა სიჭინავა მონაწილეობს კულტურის სამინისტროს ინიციატივით და მხარდაჭერით დაგეგმილ საშობაო მეჯლისში, რომელიც ეთერში 2024 წლის საახალწლო შოუში გავა. **მიღმა გალატურია**



17 ნოემბერი-სტუდენტთა საერთაშორისო დღე და სალაყაია



ყოველი ახალგაზრდისთვის სტუდენტობა ცხოვრების ახალი საფეხურია, თავისი სირთულეებით, სიახლეებით, მეტი ცოდნით, მეტი განათლებით. მოტივატორი ამ გზაზე ხარისხიანი განათლების მიღებაა, რომ მომავალში ცხოვრება ისე დაგეგმო, რომ საკუთარ თავსაც არგო და ქვეყანასაც.

სტუდენტთა საერთაშორისო დღესთან დაკავშირებით თავისუფალი უნივერსიტეტის პირველი კურსის სტუდენტს დეა სალაყაიას ვკითხეთ: როგორ გრძნობს თავს სტუდენტის ამპლუაში?

-საოცარი გრძნობაა, ფაქტიურად სულ სხვა სამყაროში ხვდები-ახალი გარემო, ახალი მეგობრები, პროფესორ-მასწავლებლები, ცოდნის მიღების სხვა სიბრტყე და შესაძლებლობები. მთავარია ფეხი აუწყო უნივერსიტეტის იმ დღის წესრიგს, რომელსაც გვთავაზობენ სტუდენტებს. მაშინ უპირობოდ გახდები წარმატებული, არჩეული პროფესიის ზედმინევენით მცოდნე - გვითხრა მან.

დეა სალაყაია არის სენაკელი, კერძო სკოლა „მარიოტას“ კურსდამთავრებული, რომელიც 100%-იანი გრანტით ჩაირიცხა თავისუფალი უნივერსიტეტის საერთაშორისო ურთიერთობების ფაკულტეტზე.

დეასთან ერთად ჩვენს ახალგაზრდებს ვულოცავთ სტუდენტთა საერთაშორისო დღეს და ვუსურვებთ მიზნების ასრულებას.

შ. ჩაჩიბაია

შესჯდრა „კოლხურ ტრიოსთან“

ყოველი შარტავას სახელობის მხარეთმცოდნეობის მუზეუმში ანსამბლ „კოლხური ტრიოს“ ფონდის შექმნასთან დაკავშირებით გაიმართა შეხვედრა. მეცნიერ მუშაკ ლალი გულუას ინიციატივით, მუზეუმს „კოლხური ტრიოს“ მოღვაწეობის ამსახველი 200-მდე მასალა შეემატა (კონცერტის პროგრამები, ლექსები, მიღებული ჯილდოები, ჟურნალ-გაზეთები, დისკები, კასეტა).

ლონისძიებს მუნიციპალიტეტის მერიის განათლების, კულტურის, სპორტისა და ახალგაზრდობის სამსახურის უფროსი გივი მისაბიშვილი, საკრებულოს ფრაქცია „ქართული ოცნება დემოკრატიული საქართველოს“ თავმჯდომარის მოადგილე მანანა გვირია, ადგილობრივი თვითმმართველობის, კულტურის სფეროსა და საზოგადოების წარმომადგენლები დაესწრნენ.

გამოფენილი იყო ანსამბლის წევრების ხელნაკეთი ნივთები, ფორმები და პრესაში გამოქვეყნებული მასალები.

ლონისძიებს უძღვებოდა მხარეთმცოდნეობის მუზეუმის სპეციალისტი დამირი კუჭავა.

გამომსვლელებმა მარინე აბრამიამ, ლია ღვამბურიამ, მზია ბარქაიამ ანსამბლის მიმართ მონივნა და მადლიერება გამოხატეს.

შეჯდრა „კოლხური ტრიოს“ მიერ შესრულებული სიმღერები, რომლის ფონზე წაიკითხეს დონარა მიმინოვილის, დარეჯან



ფაჩულიას, ბელა ქამადაძესა და ეკა კოლეას ლექსები VII საჯარო სკოლის მოსწავლეებმა: ნინო ადამიამ, ლიზი დანელიამ, ლიზი კარანაიამ, ნატალია მირგატიამ, ია ჯოჯუამ, ანანო სახოკიამ, მარიამ გადელიამ, ვიკა ქუთელიამ, ანა ხუბუამ და საბა ქობალიამ.

ანსამბლი „გოგალის“ წევრები მოგონებებითა და სიმღერით მიესალმნენ მეგობრებს.

თბილი სიტყვებით მიმართეს „კოლხურ ტრიოს“ -სენაკის მოსწავლე ახალგაზრდობისა და კულტურის ცენტრის დირექტორის მოვალეობის შემსრულებელმა ნათია ეჯიბიამ და ცენტრალური ბიბლიოთეკის თანამშრომელმა ნაირა ფოფხაძემ. ბატონებმა: გურამ ადამიამ და ტარიელ დგებუაძემ.

ტრიოს წევრებმა გაიხსენეს მნიშვნელოვანი ეპიზოდები შემოქმედებითი ბიოგრაფიიდან და თავიანთი სიმღერებით დაამშვენეს საღამო.

მარიამ მიძაპარიძე

ჯვალე ნათელი

მერი და ჯონი აბრამიანი



35 წლის წინ დადიოდნენ სენაკის ქუჩებში კეთილნი, უწყინარნი, კაცთმოყვარენი, მშრომელნი, მოფუსფუსენი... დადიოდნენ და სიკეთე დაჰქონდათ გულით...

ორივენი ნოემბერში წავიდნენ ამ ქვეყნიდან, გიორგობისთვემ გააცილა ისინი...

შვილები: მარინე, თინა და დათო აბრამიები, შვილიშვილები: თამარ და ქეთევან ხოშტარიები, მერიკო, ირაკლი და მარიამ აბრამიები, ღირსეულად განაგრძობენ აბრამიების ოჯახის ტრადიციებს, 9-ვე შვილთაშვილი კი მოკრძალებით ესათუებიან დიდი ბებიასა და ბაბუას საფლავებს. თავიანთ საამაყო და ძლიერ ფესვებს.

ამ გამორჩეულ წყვილს მადლიერებითა და მოწინებით იგონებენ მათი მრავალრიცხოვანი ახლობლები და მოკეთებები.

„ჩვენი თამაზი“

თამაზ კანკია რეგალიების მიუხედავად ყველასთვის - „ჩვენი თამაზი“ იყო. მეგობრებისთვის, ახლობლებისთვის, ახალგაზრდებისთვის, საქმიანი ადამიანებისათვის, თანამდებობის პირებისთვის... თანამშრომლებისთვისაც.

მასთან ყოველთვის ხალხმრავლობა გახლდათ, აქ შეხვედბოდი განსხვავებული მსოფლმხედველობის ადამიანებს, მაღალი იერარქიის პირებს, ახალგაზრდებს, უბრალო ადამიანებს, მეგობრებს, უცნობებსაც კი. ისინი დასაკავად იმანებლად, ჭკუის საკითხავად, სამსჯელოდ, სადისკუსიოდ, თანადგომის მისაღებად, პრობლემის გადასაწყვეტად... სტუმრობდნენ. მას ხომ ყველასთან მიესვლებოდა, ყველასთან ეთქმოდა სიტყვა.

ძალიან უყვარდა სენაკი, ამიტომ მშობლიური ქალაქის წინსვლაზე იყო მუდამ ორიენტირებული... სამოქალაქო ომის პერიოდში ჩვენი „კოლხეთის“ მთავარი რედაქტორი

იყო, მიუხედავად მძიმე წლებისა, სამუშაო კაბინეტი არ დაუტოვებია (მონაცვლეობით გვხვდებოდნენ ამა თუ იმ მხარეთა შეიარაღებული ფორმირებები ადმინისტრაციული შენობის ეზოში. სტამბა - რედაქციაში). დაძაბულობა პიკს იყო მიღწეული. „ჰაერში დენთის სუნი ტრიალებსო“ სწორედ მაშინ ვწერდით.

„ახლა რომ შევწყვიტოთ გაზეთის გამოცემა, მისი აღდგენა შეუძლებელი იქნება, ეს არ უნდა დავუშვათო“ - გვითხრა თათბირზე და ყველაფერი გააკეთა, მართალია შეზღუდული პერიოდულობით, მაგრამ მაინც გამოგვიშვია „კოლხეთის“ ნომრები და მაშინდელი რაიონის მაჯისცემა შემოგვენახა თაობებისათვის.

თამაზ კანკია გახლდათ პრინციპული, სახელმწიფოებრივად მოაზროვნე, დიპლომატიური უნარებით დაჯილდოებული... პიროვნება, რომელსაც შეეძლო პრიორიტეტ-



ბის სწორად დანახვა, შერჩევა, გადანწყვეტა.

ის 5 ნოემბერს დაიბადა და ამავე თვის 8 ნოემბერს აღესრულა. უკვე 17 წელი გასულა.

როგორც ყველას, „კოლხეთელებსაც“ ჩვენი თამაზი გვყავდა, საკმაოდ მკაცრიც, მაგრამ მეგობრული და უღალატო, უბრალო და ბუხუნა, უშუალო და მიმტვევებელი, იუმორით დატვირთული.

„კოლხეთელები“

სსოვნა
მაკა კვარცხია



ჩვენო მაკა, მზის სხივით ნათელი და ანგელოზის დარო!

ნუთუ მართლა ნაგვართვა შენი თავი სიკვდილმა? ნუთუ მართლა გაგნირა ბედისწერამ? მწარედ, სასტიკად ჩაგვწყვიტე გული!

დღეებს ვითვლიდით, წამ-წუთებს შენი გამოჯანმრთელების მოლოდინში, გვჯეროდა, გვწამდა, რომ მოკლე დროში დაგვიბრუნდებოდი. ანცი ღიმილით და ნათელი თვალებით შემოგვხედავდი და გვეტყოდით: ყველაფერი კარგადააო.

თურმე რამხელა პრობლემა გქონია, როგორი გულით გივლია. სული დარდით დაგნისვლია. მაგრამ არ გამტყდარხარ, არასოდეს დაგიჩივლია.

ყოველმხრივ გამორჩეული არავის ჰგავდი, სულ არავის, საკუთარი თავის გარდა. სიყვარულის გაცემა შეგეძლო, სიკეთის კეთება უჩუმრად, ხმაურის გარეშე. ამიტომაც გყავდა უამრავი კეთილმოსურნე, რომლებიც დღეს, შენი უბედურების გამო გულდამწვარი და დამუნჯებულინი არიან.

იცი? ბინიერებით სავსე ამ წუთისოფელში შენნაირთა ადგილი იყო კი? ამიტომაც უფალმა ზეცად აგიყვანა, სადაც მართალნი განისვენებენ.


უშენობით სული და გული გვეგლიჯება, ვწუხვართ სიცოცხლეში რომ ისე ვერ მოგეფერეთ, როგორც იმსახურებდი, ახლა კი როცა უკანასკნელ გზაზე ცხარე ცრემლებით გაცილებთ, გულწრფელად გვინდა ვითხრათ: - რომ ტკივილამდე გვიყვარხარ და გვეყვარები მუდამ.

უფალს ებარებოდე!

მერიის აქონოშიისა და ქონავის მართვის სამსახური

ქროსპორდი „პერისოპა“-2023

შეავსეთ ცარიელი უჯრები საქართველოს ციხესიმაგრეების სახელწოდებებით.



შეადგინა მანა ბერბაია

განცხადება
დაიწყო და მიმდინარეობს
გაზეთ „კოლხეთზე“
ხელმოწერა 2024
წლისთვის!

ჩემი პირველი კომპიუტერი

საქართველოს განათლებისა და მეცნიერების სამინისტრო, საგანმანათლებლო და სამეცნიერო ინფრასტრუქტურის განვითარების სააგენტოსთან ერთად 2009 წლიდან ახორციელებს პროგრამას „ჩემი პირველი კომპიუტერი“.

პროგრამის „ჩემი პირველი კომპიუტერი“ ბენეფიციარებად განისაზღვრენ საჯარო სკოლის საბაზო საფეხურის კურსდამთავრებული მოსწავლეები, რომელთა საბაზო საფეხურის ნიშანია 10 ქულა დამრგვალების გარეშე.

პროგრამის მიზანს მოსწავლეთა მოტივაციის ამაღლება და ინფორმაციულ-საკომუნიკაციო ტექნოლოგიებზე დაფუძნებული სწავლა/სწავლების მეთოდების გაძლიერება წარმოადგენს. თანამედროვე ტექნოლოგიების ხელმისაწვდომობის გაზრდა ნიჭიერ და შრომისმოყვარე მოზარდებს წარმატების მიღწევის კიდეზე უფრო მეტ შესაძლებლობას აძლევს.

ალსანიშნავია, რომ წარჩინებული მოსწავლეების რაოდენობა ყოველწლიურად იზრდება. წელს სენაკის მუნიციპალიტეტის მოსწავლე-ახალგაზრდობისა და კულტურის ცენტრის საკონცერტო დარბაზში, პროექტის - „ჩემი პირველი კომპიუტერი“ ფარგლებში, საბაზო საფეხურის წარმატებით დასრულებისთვის, საჯარო სკოლების მე-10 კლასელი მოსწავლეების დაჯილდოების ცერემონიალი გაიმართა.

ლონისძიებაზე, რომელიც საგანმანათლებლო რესურსცენტრის უფროსს, დარეჯან ზარანდიას მიჰყავდა, მუნიციპალიტეტის საჯარო სკოლების 47 წარმატებულ მოსწავლეს პორტატიული პერსონალური კომპიუტერები გადასცეს: სენაკის მუნიციპალიტეტის მერმა, ვახტანგ გადელიამ, საკრებულოს თავმჯდომარემ, საბა ოდიშარიამ, მერის პირველმა მოადგილემ, ბადრი ქუთელიამ, მერის მოადგილემ, ნანა ზარანდიამ, საკრებულოს თავმჯდომარის პირველმა მოადგილემ, ლევან უჩანეიშვილმა, საკრებულოს თავმჯდომარის მოადგილემ, ზაზა ნაჭყებია, საკრებულოს სოციალურ საკითხთა კომისიის თავმჯდომარემ, ინგა ქარდავამ, ფრაქცია „ქართული ოცნება-დემოკრატიული საქართველოს“ თავმჯდომარის მოადგილემ, მანანა გვიჩიამ. მათ ახალგაზრდებს ცოდნის მიღების გზაზე წარმატებები უსურვეს.

ანასტასია ჯანაშია, სენაკის №1 საჯარო სკოლა



კომპიუტერით დაჯილდოვება დიდი მოტივაციაა სკოლის მოსწავლეებისათვის და ასევე ჩემთვისაც. ეს დიდი შრომის შედეგია და ჩემი მასწავლებლების დიდი ღვაწლი. ამ მიზნის მიღწევა დიდი სტიმულია, რომ ცხოვ-

რებაში უფრო დიდი მიზნები დავისახო და მათ მისაღწევად არ დავიშურო შრომა და რესურსი. ძალიან მნიშვნელოვანია თითოეული მონდომებული ადამიანისთვის სტიმულის მიცემა და დიდ მადლობას ვუხდის განათლებისა და მეცნიერების სამინისტროს, სენაკის საგანმანათლებლო რესურსცენტრსა და სენაკის მუნიციპალიტეტის მერიას ასეთი ღონისძიების ჩატარებისათვის.

ალექსანდრე გოგია, ჟიული შარტავას სახელობის №2 საჯარო სკოლა



პირველ რიგში ეს სიამაყის გრძნობაა, დიდების შეგრძნება, როცა ჩემი წარჩინებული სწავლის შედეგად მოვიპოვე პერსონალური კომპიუტერი. დიას სიამაყის გრძნობა იმიტომაც, რომ გამორჩეულ ბავშვებში მეც ერთი იმთავანი ვარ. ეს დიდი სიხარულია, რომ ბავშვობაში დასახული მიზანი ავიხდინე. ეს ჯილდო მთელი ცხოვრება სამახსოვროდ დამრჩება. ამით მინდა მაგალითი მივცე უმცროს თაობას, რათა მათაც ქონდეთ მოტივაცია, ისევე როგორც მე, წლების წინ, ვიზარებდი და შევინატროდი ჩემი დის კომპიუტერით დაჯილდოვებას. აი ეს დღე მეც დამიდგა. იყო ათოსანი და პერსონალური კომპიუტერის მფლობელი დიდი პასუხისმგებლობა და მოტივაცია მომავალში გავხდე მედალოსანი

მადლობა განათლების სამინისტროს ამ პროექტისთვის, მადლობა ჩემს პედაგოგებს, განსაკუთრებით ჩემს კლასის დამრიგებელს ქალბატონ ლია თევდორაძეს იმ ცოდნისთვის რომელმაც მომპოვებინა ჩემი პირველი წარმატება, დიდი მადლობა ჩემს მშობლებს

ანრი სიჭინავა, სენაკის № 3 საჯარო სკოლა



ჩემთვის და ჩემი მეგობრებისათვის კომპიუტერით დაჯილდოება ეს უდიდესი სტიმულია, რომელიც მოითხოვს ჩვენგან უდიდეს პასუხისმგებლობას, ნებისყოფასა და მუდმივ მზადყოფნას ახალი გამოწვევებისთვის, მინდა მივულოცო ჩემს მეგობრებს, ყველას ვინც კომპიუტერებით დაჯილდოვდა და ვუსურვო წარმატებები.

მარიამ ჩაჩიბაია, სენაკის № 7 საჯარო სკოლა

პირველ რიგში ძალიან გამიხარდა ის, რომ შრომამ შედეგი გამოიღო, კომპიუტერი ჩემი პირველი მნიშვნე-



ლოვანი ჯილდოა ცხოვრებაში, რომლის მიღება მოტივაციას მძლევს უკეთ ვისწავლო, უფრო მეტად დავიხარჯო, არ გავეჩერდე და ჩემი საქმის პროფესიონალი გავხდე.

გიორგი ქავთარაძე, ძველი სენაკის საჯარო სკოლა,



ჩემთვის დიდ წარმატებას ნიშნავს ჩემი პირველი კომპიუტერით დაჯილდოება. მე ეს დიდ სტიმულს მძლევს სწავლაში და მომავალშიც უფრო დიდი წარმატებისათვის. მადლობა ჩემს დირექტორს ბატონ ვახტანგ ჯანჯღავას და ყველა ჩემს პედაგოგს, ეს მათი დამსახურებაცაა.

მარიამ ოჩიგავა, მეორე ნოსირის საჯარო სკოლა



ჩემთვის კომპიუტერით დაჯილდოება ყველანაირად დადებით ემოციებთან უკავშირდება. პირველ რიგში მადლიერი ვარ ჩემი პედაგოგებისა და იმ ნაყოფიერი წლების, რომლის დახმარებითაც მე შევძელი კომპიუტერის აღება. ეს არა მარტო ჩემთვის, არამედ ყველა დაჯილდოებული ბავშვისთვის, სტიმული და მოტივაციაა უკეთესი მომავლისა და განათლებისა. გარდა ამისა, ვფიქრობ რომ ეს დაჯილდოება ყველას უმტივცებს, რომ მათი შრომა აუცილებლად დაფასდება.

ვიქტორია ჩიქობავა, თეკლათის საჯარო სკოლა



სიტყვებით ძნელია იმ შეგრძნების გადმოცემა, რასაც განვიცდი. ძალიან სასიამოვნოა, როცა კარგი სწავლისთვის კომპიუტერით დაჯილდოვდები. დავისახე მიზნად უფრო მეტი ვიშრომო და მოვინდომო, რომ უფრო განვითარდე, რომ მივალწიო ჩემ მიზნებს.

ვულოცავთ მათ და ვუსურვებთ კიდე უფრო მეტ წარმატებას მომავალში.

მ. ბერბაია

<p>სარედაქციო ადრესი მთავარი რედაქტორი ნინო სარტანიანი რედაქტორი მელა ბალათურიანი კორექტორები: მანა ბერბაია, მარინა მიქაბერიძე ეკონომიური სამსახურის სპეციალისტი ჭალიბა ჩაჩიბაია</p>	<p>რედაქციის მისამართი: სენაკი, ჭავჭავაძის ქ. №103, ტელ: 276150 რედაქცია ხელმძღვანელობს თავისუფალი ჰრანის ჰრინცივით, არ გამოხატავს პოლიტიკური და საზოგადოებრივი ორგანიზაციის ინტერესებს. ინტელის 66529</p>	<p>რეგისტრირებული სენაკის სასამართლოში რეგისტრაციის №56/7-17 გაზეთი აკრედიტებულია აიფო, დაახლოვდა და ოფსეტური წესით დაიბეჭდა შპს „ბოლი 25“ ქ. ქათამისი, ილია ჭავჭავაძის გამზ. 33 ტელ: 223779, 223711, 223499</p>
--	--	--